



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Komisija za vanjsku trgovinu i carine
Broj : 01 /3-011-308/01
Sarajevo, 31.05.2001.

Z A P I S N I K
**sa 5. sjednice Komisija za vanjsku trgovinu i carine
Predstavničkog doma Parlamentarne skupštine, održane 31. maja
2001.godine**

Sjednica je počela u 13:00 sati.

Sjednicom je predsjedavao Tihomir Gligorić, predsjedavajući Komisije.

Sjednici su prisustvovali: Ramiz Vilić, Senad Šarganović, Ljubomir Kovačević i Zoran Spasojević.

Opravnado odsustvovali sa sjednice Ibrahim Đedović i Emina Zaćiragić.

Sjednici nisu prisustvovali Mirza Kušljugić i Mirko Baković.

Ispred predlagača zakona sjednici prisustvovao Dragiša Mekić, pomoćnik ministra vanjske trgovine i ekonomskih odnosa.

Za sjednicu Komisije je predložen i usvojen sljedeći

D N E V N I R E D

1. Usvajanje Zapisnika sa 3. i 4. sjednice Komisije
2. Razmatranje Nacrta zakona o slobodnim zonama u Bosni i Hercegovini
3. Tekuća pitanja.

Prije prelaska na razmatranje tačaka dnevog reda Emira Češljar, sekretar Komisije se predstavila i upoznala prisutne da je Odlukom

Kolegija Predstavničkog doma od 22.maja 2001.godine imenovana na dužnost sekretara Komisije za vanjsku trgovinu i carine.

Ad – 1

Ramiz Vilić, član Komisije je imao primjedbe na Zapisnik sa 3. i 4. sjednice Komisije koje se odnose na navode da nije prisustvovao sjednicama Komisije.

Naveo je da za 3. sjednicu nije dobio poziv, a 4. sjednici nije mogao prisustvovati jer je istovremeno bio na sjednici Kolegija Predstavničkog doma u proširenom sastavu u svojstvu zamjenika predsjednika Kluba. Predložio je da se u Zapisniku 3. i 4. sjednice Komisije njegovo odsustvo opravda, što je i prihvaćeno.

Komisija je uz navedene primjedbe Ramiza Vilića usvojila Zapisnik 3. sjednice održane 19.aprila 2001. godine, i Zapisnik 4. sjednice održane 17.maja 2001. godine.

Ad-2

Razmatranje Nacrta zakona o slobodnim zonama u Bosni i Hercegovini

Predsjedavajući Komisije je istakao da je Vijeće ministara na 6. sjednici od 12.4.2001.godine utvrdilo Nacrt zakona i 24.4.2001. dostavilo ga u parlamentarnu proceduru. Ustavno-pravna komisija je razmatrala predloženi zakon na sjednici od 4.5.2001.godine i dala mišljenje da postoji valjan ustavni osnov za donošenje ovog zakona.

Ispred predlagača zakona uvodne napomene i razloge za donošenje navedenog Zakona dao je Dragiša Mekić, pomoćnik ministra vanjske trgovine i ekonomskih odnosa.

U načelnoj raspravi su učestvovali svi prisutni članovi Komisije.

Nakon obavljene opšte rasprave o Zakonu Komisija je konstatovala da postoje opravdani razlozi i neophodnost donošenja Zakona o slobodnim zonama u BiH koji će na jedinstven i sveobuhvatan način urediti cjelokupnu materiju slobodnih zona u BiH kao jedinstvenog carinskog područja.

Komisija je konstatovala da na tekst Zakona nisu predloženi amandmani i mišljenja je da predloženi Zakona ispunjava uslove za donošenje, te će predložiti Predstavničkom domu njegovo usvajanje.

U skladu sa članom 89. Poslovnika Predstavničkog doma Komisija je za izvjestioca odredila predsjedavajućeg Komisije.

Ad-3

Tekuća pitanja

Dragiši Mekiću, pomoćniku ministra vanjske trgovine i ekonomskih odnosa Senad Šarganović postavio je pitanja: a) na koji način i pod kojim uslovima se otvara slobodna zona; b) u čijoj je nadležnosti ubrzanja procesa osavremljivanja carine. Na postavljena pitanja dobio je odgovor.

Komisija je mišljenja da je potrebno:

1. Inicirati održavanje radnog sastanka na nivou svih Komisija Predstavničkog doma na kome bi se razmjenila iskustva sa predsjedavajućim Komisija o dosadašnjem i budućem radu Komisija uz davanje određenih primjedbi, sugestija i donošenja zaključaka;

2. Sačiniti Radni plan Komisije i utvrditi obaveze iz nadležnosti Komisije;


3. Uspostaviti saradnju sa srodnim komisijama na entitetskom nivou;

4. Upoznati Kolegij doma o eventualnim tehničkim problemima.

Zadužuje se sekretar Komisije da upozna članove Komisije kada i na koji način mogu regulisati nadoknade koje im pripadaju po osnovu Odluke o načinu obračuna plaća i ostalih materijalnih prava poslanika i delegata Parlamentarne skupštine Bosne i Hercegovine.

Sjednica je završena u 14,30.

Sekretar Komisije
Emira Češljarić



Predsjedavajući Komisije
mr. Tihomir Gligorić

